



Kada biste se vi oslanjali na Allaha istinski, On bi vam davao opskrbu kao što pticama daje. One osvanu gladne, a omrknu site

Od Omera ibnul Hattaba, radijallahu anhu, se navodi da je Allahov Poslanik, sallallahu 'alejhi ve sellem, rekao: "Kada biste se vi oslanjali na Allaha istinski, On bi vam davao opskrbu kao što pticama daje. One osvanu gladne, a omrknu site."

[Vjerodostojan]

Allahov Poslanik, sallallahu 'alejhi ve sellem, nas podstiče da se oslanjamo na Allaha kada želimo pribaviti korist i otkloniti štetu po pitanju ovosvjetskih i vjerskih stvari. Niko ne može da podari i da uskrati, da naštetiti i da dadne korist izuzev Njega Uzvišenog. Potrebno je i da poduzmemo korake koji su u okvirima naših mogućnosti kako bismo pribavili koristi i otklonili štetu, a usto se trebamo iskreno osloniti na Uzvišenog Allaha. Kada tako postupimo, On će nas opskrbiti kao što ptice opskrbljava. U rano jutro one kreću u potragu za opskrbom gladne, a navečer se vraćaju punih stomaka. I ptice, dakle, čine ono što je do njih u traženju opskrbe bez ljenosti i čekanja da to neko drugi uradi za njih.

<https://sunnah.global/hadeeth/bs/show/4721>

